

古文辭類纂評註

第三冊

序跋類一

古文辭類纂評註卷六

桐城姚鼐纂集

司馬子長十二諸侯年表序

司馬子長名遷太史公談子作史記遭李陵之禍受腐刑十二諸侯魯齊晉秦楚宋衛陳蔡曹鄭燕是也

太史公讀春秋歷譜謀至周厲王未嘗不廢書而歎也曰嗚呼師摯見之矣

紂爲象箸而箕子唏周道缺詩人本之衽席關雎作

後漢明帝紀應門失守關雎刺世章懷引薛君韓詩章句云今時大

人內傾於色賢人見其萌故咏關雎按太史公意蓋以關雎卽爲師摯作與孔鄭說論語摯爲魯哀時人異義不知亦是韓詩說否

仁義陵遲鹿鳴刺焉及至厲

王以惡聞其過公卿懼誅而禍作厲王遂奔于彘亂自京師始而共和行政

焉是後或力政疆乘弱興師不請天子然挾王室之義以討伐爲會盟主政

由五霸諸侯恣行淫侈不軌賊臣篡子滋生矣齊晉秦楚其在成周微甚封

或百里或五十里晉阻三河齊負東海楚介江淮秦因雍州之固四國迭興

更爲霸主文武所褒大封皆威而服焉是以孔子明王道干七十餘君莫能

用故西觀周室論史記舊聞興於魯而次春秋上記隱下至哀之獲麟約其

辭文去其煩重以制義法王道備人事浹七十子之徒口受其傳指爲有所

刺譏褒諱挹損之文辭不可以書見也魯君子左邱明懼弟子人人異端各

提厲王著周之始衰以引諸侯盛強之因

點共和見表首此諸侯由春忒遂成春秋之世摯諸以上大勢約舉霸者以概其餘

推孔子作春秋年表之正宗

此層推出左氏書

左氏春秋
正是年表

底本可悟
讀此可悟

列國世家
所述居岸

杵臼等事
大都在難

取於諸書
者於諸書

綜前數代
而斷之見

表之作蓋
基難也

歸宿出題
獨標孔子

春秋見主
腦春秋見

腦春秋見
腦春秋見

安其意失其真故因孔子史記具論其語成左氏春秋鐸椒為楚威王傅為

王不能盡觀春秋采取成敗卒四十章為鐸氏微趙孝成王時其相虞卿上

采春秋下觀近世亦著八篇為虞氏春秋呂不韋者秦莊襄王相亦上觀尚

古刪拾春秋集六國時事以為八覽六論十二紀為呂氏春秋及如荀卿孟

子公孫固韓非之徒公孫固一篇十八節在藝文志儒家各往往摭摭春秋之文以著書不可勝紀

漢相張蒼歷譜五德上大夫董仲舒推春秋義頗著文焉太史公曰儒者斷

其義馳說者騁其辭不務綜其終始歷人取其年月數家隆於神運譜謀獨

紀世諡龜按歷人譜謀二類七略併為歷譜人數術略其數家隆於神運鄒子終始之流也入諸子略陰陽家其辭略欲一觀諸要難於是譜

十二諸侯自共和訖孔子表見春秋國語學者所譏盛衰大指著於篇為成

學治國聞者要刪焉今本治古文者徐廣曰一云治國聞者龜按當作治國聞者為是

註釋

春秋歷譜謀

歷年歷譜帝王譜音牒記系諡之書自古治春秋學者有年歷譜謀故遷得而讀之周厲王見柳子厚封建論師摯太師

名周衰正樂廢魯太師摯識關雎之聲首理其亂箕子唏唏音希歎聲紂為象箸箕子歎曰今為象箸必為玉杯鹿鳴詩有鹿鳴之什小序宴羣臣嘉賓也既飲食之又實幣帛

管籥以將其厚意然後忠臣嘉賓得盡其心矣厲王以惡聞其過國語厲王止虢今山西霍縣共和行政厲王出奔周召公二相共理

國政號隱公名哀哀公名蔣十四年西狩獲麟孔子作春秋止於此楚威王名熊趙孝成王名丹秦莊襄王見賈

秦不在六國之列提秦紀表所本也歷誌秦之興從先世說起

借徑入六國舉韓趙魏齊以該燕楚至此點清六國總罪狀之隔段續提以著秦之并天下又透到六國後別出一峯

秦論

公孫固

宋人

拮據

拮音廣據音猶拾取也

張蒼

陽武人文帝時爲丞相著終始五德傳

司馬子長六國表序

太史公讀秦記至犬戎敗幽王周東徙洛邑秦襄公始封爲諸侯作西時用事上帝僭端見矣禮曰天子祭天地諸侯祭其域內名山大川今秦雜戎翟之俗先暴戾後仁義位在藩臣而臚於郊祀君子懼焉及文公踰隴攘夷狄尊陳寶營岐雍之間而穆公修政東竟至河則與齊桓晉文中國侯伯侔矣是後陪臣執政大夫世祿六卿擅晉權征伐會盟威重於諸侯及田常殺簡公而相齊國諸侯晏然弗討海內爭於戰功矣三國終之卒分晉田和亦滅齊而有之六國之盛自此始務在彊兵併敵謀詐用而從橫短長之說起矯稱蠱出誓盟不信雖置質剖符猶不能約束也秦始小國僻遠諸夏賓之比於戎狄至獻公之後常雄諸侯論秦之德義不如魯衛之暴戾者量秦之兵不如三晉之彊也然卒併天下非必險固便形勢利也蓋若天所助焉或曰東方物所始生西方物之成熟夫作事者必於東南收功實者常於西北故禹興於西羌湯起於亳周之王也以豐鎬伐殷秦之帝用雍州興漢之興自

又續提秦此著所以本秦紀作六國表之故秦以後所與秦異者誅殺耳法大率本秦非特漢與秦近雜用秦法而已議論創別

直叙起三平見側歸

蜀漢秦既得意燒天下詩書諸侯史記尤甚爲其有所刺譏也詩書所以復見者多藏人家而史記獨藏周室以故滅惜哉惜哉獨有秦記又不載日月其文略不具然戰國之權變亦頗有可采者何必上古秦取天下多暴然世異變成功大傳曰法後王何也以其近已而俗變相類議卑而易行也學者牽於所聞見秦在帝位日淺不察其終始因舉而笑之不敢道此與以耳食無異悲夫余於是因秦記踵春秋之後起周元王表六國時事訖二世凡二百七十年著諸所聞興壞之端後有君子以覽觀焉

註釋

秦記

秦國之史記

犬戎幽王洛邑

並見蘇子瞻志林平王篇

秦襄公

平王東遷襄公以兵送王王封爲諸侯秦於是始國

作

西時

時音市封土而祀也秦伯既封居西垂自以爲主少昊之神乃作西時祠白帝

臚

音旅祭名

文公

襄公

隴

今陝西隴縣陳寶列異傳陳蒼人得異物道遇二

童云此名爲媚在地下食死人腦媚乃言彼二童子名陳寶得雄者王岐見蘇子瞻志林平王雍即雍州見賈得雌者霸乃逐童子化爲雉秦穆公大獵果獲其雌乃爲立祠以祭之志林平王雍生過秦論

田常

即陳恒

簡公

名三國

韓趙

田和

莊子子是爲太公

魯衛

魯周公後今山東曲阜縣

西羌

正義

禹生於茂州汶川縣

亳

今河南商邱縣

豐鎬

見蘇子瞻志林平王

周元王

名仁

二世

見賈生過秦論

司馬子長秦楚之際月表序

時天下未定擾攘簡纂運數又促故以月紀而爲之表

太史公讀秦楚之際曰初作難發於陳涉虐戾滅秦自項氏撥亂誅暴平定

功本朝

眼在兩字
舉古反形

三代不能
亟得

秦不能亟
得

以難字對
兩字

另意一呼
與首段通

贊歎洋溢

原本周封
為監古法

海內卒踐帝祚成於漢家五年之間號令三嬪自生民以來未始有受命若斯之亟也昔虞夏之興積善累功數十年德洽百姓攝行政事考之於天然後在位湯武之王乃由契后稷修仁行義十餘世不期而會孟津八百諸侯猶以為未可其後乃放弑秦起襄公章於文繆獻孝之後稍以蠶食六國百有餘載至始皇乃能并冠帶之倫以德若彼用力如此蓋一統若斯之難也秦既稱帝患兵革不休以有諸侯也於是無尺土之封墮壞名城銷鋒鏑鉏豪桀維萬世之安然王跡之興起於閭巷合從討伐軼於三代鄉秦之禁適足以資賢者為驅除難耳故憤發其所為天下雄安在無土不王此乃傳之所謂大聖乎豈非天哉豈非天哉非大聖孰能當此受命而帝者乎

註釋

讀秦楚之際

猶言讀史至秦楚之際也

陳涉

見賈生過秦論

嬭

同嬭也

契后稷

商之先曰契周之先曰后稷

孟

津

在河南孟縣

章

顯大也

文繆

文公襄公子繆公德公子

獻孝

獻公靈公子孝公獻公子

并冠帶之倫

謂頂冠束帶者皆來朝也

桀

同桀

鄉

同

司馬子長漢興以來諸侯年表序

太史公曰殷以前尚矣周封五等公侯伯子男然封伯禽康叔於魯衛地各

式

推到失形
勢而王室
微見篇意
入漢初立
制著初封
之數
詳列侯封
地界寫形
勢過盛意

勢狹
跌到王圻

工於用意
就國初廣
封一束
遞到後來
奢叛國除
歸重在分
子監古以
撫柔之

四百里親親之義。褒有德也。太公於齊兼五侯地。尊勤勞也。武王成康所封數百。而同姓五十五。地土不過百里。下三十里。以輔衛王室。管蔡康叔曹鄭或過或損。厲幽之後。王室缺。侯伯疆國興焉。天子微。弗能正。非德不純。形勢弱也。漢興序二等。高祖末年。非劉氏而王者。若無功。上所不置而侯者。天下共誅之。高祖子弟同姓爲王者九國。維獨長沙異姓。而功臣侯者百有餘人。自雁門太原以東至遼陽。爲燕代國。常山以南。太行左轉。度河濟。阿甄以東。薄海。爲齊趙國。自陳以西南至九疑。東帶江淮。穀泗。薄會稽。爲梁楚吳淮南長沙國。皆外接於胡越。而內地北距山以東。盡諸侯地。大者或五六郡。連城數十。置百官。宮觀僭於天子。漢獨有三河東郡。潁川南陽。自江陵以西至蜀。北自雲中。至隴西。與內史。凡十五郡。而公主列侯。頗食邑其中。何者。天下初定。骨肉同姓少。故廣彊庶孽。以鎮撫四海。用承衛天子也。漢定百年之間。親屬益疏。諸侯或驕奢。怏邪臣計。謀爲淫亂。大者叛逆。小者不軌於法。以危其命。殞身亡國。天子觀於上古。然後加惠。使諸侯得推恩分子弟國邑。故齊分爲七。趙分爲六。梁分爲五。淮南分三。及天子支庶子爲王。王子支庶爲侯。百

無邊郡應
接吳越納
於漢應盡
諸侯地

諸侯勢殺
一層

天子勢尊
一層

東句嚴重

點題

有餘焉。吳楚時前後諸侯或以適削地。是以燕代無北邊郡。吳淮南長沙無南邊郡。齊趙梁楚支郡名山陂海咸納於漢。諸侯稍微。大國不過十餘城。小侯不過數十里。上足以奉貢職。下足以共養祭祀。以蕃輔京師。而漢郡八九十形錯諸侯間。犬牙相臨。秉其隕塞地利。彊本幹弱枝葉之勢也。尊卑明而萬事各得其所矣。臣遷謹記高祖以來至太初諸侯譜其下益損之時。令後世得覽形勢雖彊。要之以仁義爲本。

註釋

伯禽

周公

康叔

武王

魯衛

見六國表序

同姓五十五

兄弟之國十有五。姬姓之國四十。

管

今河南鄭縣封叔鮮

蔡

今河南新蔡縣封叔度

曹

今山東定陶縣封叔振鐸

鄭

今陝西鄭縣封厲王庶子友

序二等

大者王。小者侯。

同姓而王者九國

齊楚荆淮

南燕趙梁

長沙

今湖南長沙縣吳芮封此

雁門

今山西代縣

太原

今山西太原縣

遼陽

今奉天遼陽縣

燕

初爲盧縮封地。後縮入勾奴。遂立子建

爲燕代

初封韓王信爲代王。後信降勾奴。乃立子恒。

常山

即山西之恒山。避文

太行

山名。在山西省東部

阿

阿澤。在今山東陽穀縣

甄

在今山東

漢齊

始封韓信。後封子肥。

趙

初封張耳。後封子如意。

陳

今河南淮陽縣

九疑

山名。今湖南甯遠縣南

穀

在江蘇沛縣

泗

今山東泗水縣

梁

初封彭越。後立子恢。

楚

初封韓信。後封弟交。

吳

子濞。

淮南

初封英布。後立子長。

二河

謂河南河東河內三郡。河南今河南豫東道西境。及豫

東郡

今直隸大名縣及山東聊城縣臨清縣等地

潁川

今河南豫東道

南陽

今河南南陽縣等地

江陵

今湖北江陵縣

雲中

今山西大同縣北

隴西

今甘肅隴西縣

今甘肅隴西縣

內史

今陝西

伏

音舌懼也。

齊分爲七

孝文帝時。初分齊爲城陽濟北兩國。後又

分爲濟南菑川膠東膠西并齊爲七國。

趙分爲六

趙

分

分

分

分

爲河間廣川中山平原
眞定并趙爲六國

梁分爲五

梁分爲濟川濟東山陽濟陰并梁爲五國

淮南分三

淮南分爲衡山廬江并淮南爲三國

適遇

塞

阨音厄塞也礙也

太初

漢武帝年號

司馬子長高祖功臣年表序

太史公曰古者人臣功有五品以德立宗廟定社稷曰勳以言曰勞用力曰功明其等曰伐積日曰閱封爵之誓曰使河如帶泰山如厲國以永寧爰及苗裔始未嘗不欲固其根本而枝葉稍陵夷衰微也余讀高祖侯功臣察其首封所以失之者曰異哉所聞書曰協和萬邦遷於夏商或數千歲蓋周封八百幽厲之後見於春秋尙書有唐虞之侯伯歷三代千有餘載自全以藩衛天子豈非篤於仁義奉上法哉漢興功臣受封者百有餘人天下初定故大城名都散亡戶口可得而數者十二三是以大侯不過萬家小者五六百戶後數世民咸歸鄉里戶益息蕭曹絳灌之屬或至四萬小侯自倍富厚如之子孫驕溢忘其先淫嬖至太初百年之間見侯五餘皆坐法隕命亡國耗矣罔亦少密焉然皆身無兢兢於當世之禁云居今之世志古之道所以自鏡也未必盡同帝王者各殊禮而異務要以成功爲統紀豈可緼乎觀所以

援據以功得封名例
起加述一層
誓詞以永
剔耗
落題初今
總挈一頓
徵古侯之
綿世久遠
即古以昭
法
實叙百餘
人一頓
轉到隕亡
見侯五與
百餘人照
由今籠古
勸戒無窮

言武帝所以封功臣之故

援古證今言武帝不伐之故即不封功臣之故也

得尊寵及所以廢辱亦當世得失之林也何必舊聞於是謹其終始表見其文頗有所不盡本末著其明疑者闕之後有君子欲推而列之得以覽焉

註釋

十一三十分之三

蕭曹蕭何參參絳灌見蘇子瞻賈誼論

小侯自倍

倍其初封時戶數也

淫嬖

淫僭也嬖愛幸也

太初見前混同

司馬子長建元以來侯者年表序

太史公曰匈奴絕和親攻當路塞閩越擅伐東甌請降二夷交侵當盛漢之隆以此知功臣受封侔於祖考矣何者自詩書稱三代戎狄是應荆荼是徵齊桓越燕伐山戎武靈王以區區趙服單于秦繆用百里霸西戎吳楚之君以諸侯役百越況乃以中國一統明天子在上兼文武席卷四海內輯億萬之衆豈以晏然不爲邊境征伐哉自是後遂出師北討彊胡南誅勁越將卒以次封矣

註釋

匈奴即古獯鬻至秦曰匈奴

閩越今福建閩縣地閩越君無諸

東甌

今浙江永嘉縣東甌王搖俱句踐之裔

戎狄是應荆荼

是徵

詩毛傳曰應當也茶音舒

山戎

在今直隸盧龍縣地

武靈王名單于

匈奴稱王者之號

百里

百里奚

百越

見賈生過秦論

劉子政戰國策序

子政名向元帝時爲散騎宗正成帝時爲光祿大夫戰國策爲向所輯

此文固不若過秦論之雄駿然沖溶渾厚無意爲文而自能盡意若莊子所謂木雞者此境亦賈生所無也

周室自文武始興崇道德隆禮義設辟雍泮宮庠序之教陳禮樂絃歌移風之化敘人倫正夫婦天下莫不曉然論孝弟之義敦篤之行故仁義之道滿乎天下卒致之刑措四十餘年遠方慕義莫不賓服雅頌歌咏以思其德下及康昭之後雖有衰德其綱紀尙明及春秋時已四五百載矣然其餘業遺烈流而未滅五霸之起尊事周室五霸之後時君雖無德人臣輔其君者若鄭之子產晉之叔向齊之晏嬰挾君輔政以並立於中國猶以義相支持歌說以相感聘覲以相交期會以相一盟誓以相救天子之命猶有所行會享之國猶有所恥小國得有所依百姓得有所息故孔子曰能以禮讓爲國乎何有周之流化豈不大哉及春秋之後衆賢輔國者旣沒而禮義衰矣孔子雖論詩書定禮樂王道粲然分明以匹夫無勢化之者七十二人而已皆天下之俊也時君莫尙之是以王道遂用不興故曰非威不立非勢不行仲尼旣沒之後田氏取齊六卿分晉道德大廢上下失序至秦孝公捐禮讓而貴

周化流行
德澤綿長
證之衰末
而益信

孔子不能
興王道

側重秦孝
公因彼尙

詐譎貴戰
也爭之尤者

演成戰國
詐譎戰爭
所在皆是
說士用而
儒術益壞
矣

戰爭棄仁義而用詐譎。苟以取疆而已矣。夫篡盜之人。列爲侯王。詐譎之國。興立爲彊。是以轉相放效。後嗣師之。遂相吞滅。併大兼小。暴師經歲。流血滿野。父子不相親。兄弟不相安。夫婦離散。莫保其命。湣然道德絕矣。晚世益甚。萬乘之國七。千乘之國五。敵侔爭權。蓋爲戰國。貪饕無恥。競進無厭。國異政。教各自制斷。上無天子。下無方伯。力功爭強。勝者爲右。兵革不休。詐僞並起。當此之時。雖有道德。不得設施。有謀之彊。負阻而恃固。連與交質。重約結誓。以守其國。故孟子孫卿。儒術之士。棄捐於世。而游說權謀之徒。見貴於俗。是以蘇秦張儀。公孫衍陳軫。代厲之屬。主從橫短長之說。左右傾側。蘇秦爲從。張儀爲橫。橫則秦帝。從則楚王。所在國重。所去國輕。然當此之時。秦國最雄。諸侯方弱。蘇秦結之。合六國爲一。以償背秦。秦人恐懼。不敢闕兵於關中。天下不交兵者二十有九年。然秦國勢便形利。權謀之士。咸先馳之。蘇秦初欲橫。秦弗用。故東合從。及蘇秦死後。張儀連橫。諸侯聽之。西向事秦。是故始皇因四塞之國。據崤函之阻。跨隴蜀之饒。聽衆人之策。乘六世之烈。以蠶食六國。兼諸侯。并有天下。仗於詐謀之積。終無信篤之誠。無道德之教。仁義之化。

始皇仗詐
偽賤儒士
不旋踵天
下大潰可
謂戰國風
習之結果
王德應上

度時君所
能行是原
情之論然
畢竟是其
學不醇處
宜子固非

以綴天下之心。任刑法以爲治。信小術以爲道。遂燔燒詩書。坑殺儒士。上小
堯舜。下邈三王。二世愈甚。惠不下施。情不上達。君臣相疑。骨肉相疏。化道淺
薄。綱紀壞敗。民不見義而懸於不甯。撫天下十四歲。天下大潰。詐僞之弊也。
其比王德。豈不遠哉。孔子曰。道之以政。齊之以刑。民免而無恥。道之以德。齊
之以禮。有恥且格。夫使天下有所恥。故化可致也。苟以詐僞偷活取容。自上
爲之。何以率下。秦之敗也。不亦宜乎。戰國之時。君德淺薄。爲之謀策者。不得
不因勢而爲資。據時而爲畫。故其謀扶急持傾。爲一切之權。雖不可以臨教
化。兵革救急之勢也。皆高才秀士。度時君之所能行。出奇策異智。轉危爲安。
運亡爲存。亦可喜。皆可觀。

註釋

辟雍

天子之學

泮宮

諸侯之學

庠序

鄉學名。殷曰序。周曰庠。

康昭

康王釗。昭王瑗。

子產

鄭公孫。僑也。

叔向

見韓退之原性。

晏嬰

字平仲。相齊景公。

田氏

見蘇子。由商論。

六卿

范氏。智氏。中行氏。趙氏。魏氏。韓氏。

秦孝公

見賈生。過秦論。

方伯

見柳子厚。封建論。

公孫

衍

魏人。陳軫。見賈生。過秦論。

代厲

蘇代。蘇厲。並蘇秦弟。

班孟堅記秦始皇本紀後

孟堅名固。彪子。九歲能文。

明帝時。典校秘書。著漢書。

曰。周歷已移。仁不代母。

董鳩先生云。宋書志。五德遞王。有一家之說。鄒衍以相。勝立體。劉向以相生。

爲義。按前漢律歷志。引劉歆三統歷。謂周以木德王。漢高祖伐秦繼周。木生。

始皇罪案

胡亥罪案

寫得子嬰
作爲風馳
電掣文氣
逼近西京

歸獄始皇
胡亥爲子
嬰出脫議
論公允誰
謂固之史
才遜於遷

火故爲火德。秦以水德在周漢之間。猶共工氏在包犧神農之間。霸而不王。爲閭位。不當五德之序。此文首言周歷已移。應以漢代。而天復以秦值其位者。仁不代母耳。秦直其位。呂政殘虐。然以諸侯十三。并兼天下。極情縱欲。養育宗親。三十七年。兵無所不加。制作政令。施於後王。蓋得聖人之威。河神授圖。據狼弧。蹈參伐。佐政驅除。距之稱始皇。始皇既歿。胡亥極愚。酈山未畢。復作阿房。以遂前策。云凡所爲貴有天下者。肆意極欲。大臣至欲罷先君所爲。誅斯去疾。任用趙高。痛哉言乎。人頭畜鳴。不威不伐。惡不篤不虛亡。距之不得留殘虐。以促期。雖居形便之國。猶不得存。子嬰度次得嗣。冠玉冠。佩華紱。車黃屋。從百司。謁七廟。小人乘非位。莫不悅忽失守。偷安日日。獨能長念却慮。父子作權。近取於戶牖之間。竟誅猾臣。爲君討賊。高死之後。賓婚未得盡相勞。餐未及下咽。酒未及濡脣。楚兵已屠關中。真人翔霸上。素車嬰組。奉其符璽。以歸帝者。鄭伯茅旌鸞刀。嚴王退舍。河決不可復壅。魚爛不可復全。賈誼司馬遷曰。向使嬰有庸主之才。僅得中佐。山東雖亂。秦之地可全而有。宗廟之祀未當絕也。秦之積衰。天下土崩瓦解。雖有周旦之才。無所復陳其巧。而以責一日之孤。誤哉。俗傳秦始皇起罪惡。胡亥極得其理矣。復責小子云。秦地可全。所謂不通時變者也。紀

季以鄆春秋不名吾讀秦紀至於子嬰車裂趙高未嘗不健其決憐其志嬰死生之義備矣

註釋

仁不代母

五德遞王周得木秦得水漢得火五行之運水生木木生火火生土土生金金生水所生者為母出者為子漢高祖伐秦繼周是以火繼木也木為母火為子

子仁恩之時子不代母故秦以水德值其間位

呂政

政始皇名秦本嬴姓呂不韋取邯鄲姬有娠獻莊襄王生政故曰呂政

蓋得聖人之威河神授

圖

蓋疑辭也言始皇之威能併吞天下疑得聖人之威靈河神之圖籙

據狼弧蹈參伐

史記正義狼弧主弓矢星天官書云參伐主斬艾事言秦據蹈狼弧參伐之氣驅滅天下

鄆山阿房

並宮名始皇時徙刑者七十餘萬人分作驪山阿房

畜反

不威不伐惡不篤不虛亡

言胡亥藉帝王之威殘酷暴虐以

滋己惡惡既深篤以至滅亡豈其虛哉

子嬰

見賈生過秦論紱音拂綬也

黃屋

黃屋者蓋以黃為裏

七廟

見賈生過秦論

真人

指高帝

霸上

今陝西咸

甯縣

素車嬰組子嬰素車白馬係頭以組而降沛公

鄭伯茅旌鸞刀嚴王退舍

嚴王即莊王避明帝諱茅旌鸞刀祭祀宗廟所用器也公

羊傳曰楚莊王伐鄭鄭伯肉袒左執茅旌右執鸞刀以逆莊王莊王退舍七里

賈誼司馬遷

並見論辨類題註

周旦

周公旦

一日之孤小子

並指紀季

紀侯音攜今山東臨淄縣東春秋紀以鄆入於齊公羊少弟鄆傳曰何以不名賢之也謂設五廟以存姑姊妹也

班孟堅諸侯王表序

鼎按太史公年表序託意高妙筆勢雄遠有包舉天下之概孟堅此文多

因太史公語議論尤密而文體則已入卑近范蔚宗以下史家率撫仿之

昔周監於二代三聖制法立爵五等封國八百同姓五十有餘周公康叔建

失制
潮周封建

封建本意

言周得封建之力

言無封建之害

開後來琢句法門
總收

後半篇論
如漢世之盛衰

叙漢高分封之盛

於魯衛各數百里。太公於齊亦五侯九伯之地。詩載其制曰。介人維藩。大師維垣。大邦維屏。大宗維翰。懷德維甯。宗子維城。毋俾城壞。毋獨斯畏。所以親親賢賢。褒表功德。關諸盛衰。深根固本。爲不可拔者也。故盛則周召相其治。致刑措。衰則五霸扶其弱。與共守。自幽平之後。日以陵夷。至虘阬。隰河洛之間。分爲二周。有逃責之臺。被竊鉄之言。然天下謂之共主。彊大弗之敢傾。歷載八百餘年。數極德盡。既於王赧降爲庶人。用天年終。號位已絕於天下。尙猶枝葉相持。莫得居其虛位。海內無主三十餘年。秦據勢勝之地。騁狙詐之兵。蠶食山東。一切取勝。因矜其所習。自任私知。姍笑三代。盪滅古法。竊自號爲皇帝。而子弟爲匹夫。內亡骨肉根本之輔。外亡尺土藩翼之衛。陳吳奮其白梃。劉項隨而斃之。故曰周過其歷。秦不及期。國勢然也。漢興之初。海內新定。名姓寡少。懲戒亡秦孤立之敗。於是剖裂疆土。立二等之爵。功臣侯者百有餘邑。尊王子弟。大啓九國。自雁門以東。盡遼陽爲燕代。常山以南。太行左轉。度河濟。漸於海。爲齊趙。穀泗以往。奄有龜蒙。爲梁楚。東帶江湖。薄會稽。爲荆吳。北界淮瀕。略廬衡。爲淮南。波漢之陽。互九嶷。爲長沙。諸侯比境。周匝三

此句是主

見漢以諸
侯盛強而
能存

見諸侯漸
就微弱之
勢

言漢以諸
侯微弱而
致亡

垂外接胡越。天子自有三河東郡。潁川南陽。自江陵以西至巴蜀。北自雲中至隴西。與京師內史。凡十五郡。公主列侯。頗邑其中。而藩國大者。夸州兼郡。連城數十。宮室百官。同制京師。可謂橋枉過其正矣。雖然。高祖創業。日不暇給。孝惠享國又淺。高后女主攝位。而海內晏如。亡狂狡之憂。卒折諸呂之難。成太宗之業者。亦賴之於諸侯也。然諸侯原本以大。末流濫以致溢。小者淫荒越法。大者睽孤橫逆。以害身喪國。故文帝采賈生之議。分齊趙。景帝用鼂錯之計。削吳楚。武帝施主父之冊。下推恩之令。使諸侯王得分戶邑以封子弟。不行黜陟。而藩國自析。自此以來。齊分爲七。趙分爲六。梁分爲五。淮南分爲三。皇子始立者。大國不過十餘城。長沙燕代。雖有舊名。皆亡南北邊矣。景遭七國之難。抑損諸侯。減黜其官。武有衡山淮南之謀。作左官之律。設附益之法。諸侯惟得衣食稅租。不與政事。至於哀平之際。皆繼體苗裔。親屬疏遠。生於帷牆之中。不爲士民所尊。執與富室亡異。而本朝短世。國統三絕。是故王莽知漢中外殫微。本末俱弱。無所忌憚。生其奸心。因母后之權。假伊周之稱。顓作威福。廟堂之上。不降階序。而運天下。詐謀旣成。遂據南面之尊。分遣